

六  
典  
通  
考

六典通考卷二十七

湖西閻鎮珩輯

祿制考

歷代祿制

漢儒述王制多采夏殷之法自鄭康成孔穎達皆有是說及觀孟子與北宮錡論周室爵祿往往異於王制所云然則三王之制大抵各從其宜爾傳曰伐冰之家不畜牛羊畜馬乘不察雞豚大臣有以貪穢敗者不謂之貪穢謂之簠簋不飭每歲用季秋之月收祿秩之不當者參酌而增易之蓋先王刑賞忠厚專以風厲百司之廉恥而使之克己自新其意深矣故三代盛時朝無佞

位官無冗食一命之士辨材然後授之官位定然後給之祿其貴賤有秩其多寡有程自王之支庶子弟達於在朝之公卿大夫無人不可有田邑以供宗廟之祭祀而贍其身家之養下至府史胥徒鄉遂小吏外及列國之卿大夫士亦然孟子曰文王之治岐也仕者世祿樂記曰武王克商庶士倍祿元公因之訂爲常經于是司祿之秩設焉及周衰禮廢上下僭竊大國之侯兼地千里其臣下亦各務廣私地之封是時齊有晏子佐景公定崔慶之亂公與之邶殿之邑六十辭而不受其言曰民生厚而利用正德以幅之謂之幅利利過則爲敗吾不敢貪多所謂幅也故其相齊數十年躬行儉節推恩親

故三黨無凍餒之人國中賴以舉火者七十有餘家焉  
又魯公族大夫季文子歷相三君妾不衣帛馬不食粟  
忠勤之義聞於鄰國自是而外黷貨性成驕溢無度晉  
之六卿族大寵多范中行氏最先亡智伯以汰侈亦亡  
韓魏與趙連謀遂舉晉地而瓜分之齊田氏用豆區金  
鍾之量厚施得民卒行篡奪攘有齊國至魯季孫意如  
逐其君昭公三分公室之賦君取一臣取二流及戰國  
并而爲七又分封其子弟大臣於是齊有孟嘗趙有平  
原楚有黃歇恃其富厚有土之資招致奸俠爲世大患  
由是言之封建之法旣壞雖世祿不可復行語曰物極  
必反自然之理也秦有天下盪滅古法子弟無尺土之

封功臣無立錐之地豈獨其資性刻薄哉亦有鑒於周  
末之已事而然耳漢魏以來封建浸微郡縣守令貪廉  
雜用然爵祿慶賞之典豈嘗一日或廢哉作祿制考其  
屬目二曰祿田曰職田

太宰以八柄詔王馭羣臣二曰祿以馭其富內史掌王之

八枋二曰祿王制祿則贊爲之以方出之贊爲之爲之辭也鄭司農云以方出

之以方版書而出之杜子春云方直謂今時牘也賞賜亦如之司士以德詔爵以

功詔祿以能詔事以久奠食詳在官篇天子之制地方千里公

侯皆方百里伯七十里子男五十里凡四等不能五十里不

達於天子附於諸侯曰附庸此以下班祿之制也不能猶不足也小國之地不足五十里者

不能自達於天子因大國以姓名通謂之附庸若春秋邾儀父之類是也天子之卿受地視侯大

受地視伯元士受地視子男

視比也徐氏曰王畿之內亦制都鄙受地也元士上士也

大國地方百里君十卿祿卿祿四大夫大夫倍上士上士倍

中士中士倍下士下士與庶人在官者同祿祿足以代其耕

也

三十倍之也四四倍之也倍加一倍也徐氏曰大國君田三萬二千畝其入可食二千八百八十人卿田三千二百

畝可食二百八十八人大夫田八百畝可食七十二人上士

田四百畝可食三十六人中士田二百畝可食十八人下士

與庶人在官者田百畝可食九人至五人庶人在官府史胥

徒也愚按君以下所食之祿皆助法之公田藉農夫之力以

耕而收其租土之無田與庶人在官

者則但受祿於官如田之入而已

次國地方七十里君十

卿祿卿祿三大夫大夫倍上士上士倍中士中士倍下士下

士與庶人在官者同祿祿足以代其耕也

三謂三倍之也徐氏曰次國君田二

萬四千畝可食二千一百六十人卿

田二千四百畝可食二百六十人

小國地方五十里君十

卿祿卿祿二大夫大夫倍上士上士倍中士中士倍下士下

士與庶人在官者同祿祿足以代其耕也二即倍也徐氏曰小國君田一萬六

千畝可食千四百四十人卿田耕者之所獲一夫百畝百畝

之糞上農夫食九人上次食八人中食七人中次食六人下

食五人庶人在官者其祿以是爲差獲得也一夫一婦佃田百畝加之以糞糞多而

力勤者爲上農其所收可供九人其次用力不齊故有此五

等庶人在官者其受祿不同亦有此五等也愚按此章之說與周禮王制不同蓋不可考闕之可也程子曰孟子之時

去先王未遠載籍未經秦火然而班爵祿之制已不聞其詳

今之禮書皆掇拾於煨燼之餘而多出於漢儒一時之傳會

柰何欲盡信而句爲之解平然則其事固不可一二追復矣

諸侯之下士祿食九人中士食十八人上士食三十六人

下大夫食七十二人卿食二百八十八人君食二千八百八十人次國之卿食二百一十六人君食二千一百六十人小

國之卿食百四十四人君食千四百四十人次國之卿命於

其君者如小國之卿天子之大夫爲三監監於諸侯之國者其祿視諸侯之卿其魯視次國之君其祿取之於方伯之地方伯爲朝天子皆有湯沐之邑於天子之縣內視元士給齊戒自潔清之用浴用湯沐用潘

章俊卿曰孟子論周室制祿大抵自上農夫食九人積之孔子使原思爲宰與之粟九百而孟子爲齊卿其祿十萬鍾然則自古至秦漢無不以穀粟制祿也

齊桓公爲賦祿之制賦祿以粟案田而稅 晉文公反國賞

功勞公食貢大夫食邑士食田受公田也 秦后子來仕避景公仕于晉

其車千乘從車千乘 楚公子干來仕其車五乘子干恭王之庶子公子比也魯昭元

年十楚公子圍殺 叔向爲太傅實賦祿韓宣子問二公子之祿



焉宣子韓起也代趙文子為政對曰大國之卿一旅之田公之孤四命五百人為旅為田

五百上大夫一卒之田上大夫一命百人為卒為田百頃夫二公子者上大

夫也皆一卒可也宣子曰秦公子富若之何其鈞之也鈞同

對曰夫爵以建事事職也祿以食爵隨爵尊卑德以賦之功庸以稱

之也稱副也若何其以富賦祿也夫絳之富商韋藩木榱以過於

朝韋藩韋蔽前後木榱木櫨也唯其功庸少也言無功庸雖富不得服其

而能金玉其車文錯其服文文織錯錯鏤也言富商之財足

爵故不得為耳則止能行諸侯之賄言其財賄足而無尋尺

之祿無大績於民故也績功也八尺曰尋乃均其祿左氏傳叔向曰

以年年同以尊公楚鬬子文三舍令尹無一日之積成王

子以國不問以富每出子文之祿必逃王止而後復人謂子文曰人生求富而

子逃之何也對曰夫從政者以庇民也民多曠者而我取富焉是勤民以自封也死無日矣我逃死非逃富也 魏成子食祿於魏什九在外什一在內是以東得卜子夏田子方段干木君皆師之

孟子曰諸侯惡其害己也而皆去其籍今考周禮地官司祿職掌獨闕疑卽孟子所謂惡而去之者傳曰君取一臣取二孟子謂慎子曰今魯方百里者五子以爲有王者作在所損乎在所益乎竊意司祿之文必有尤不便于諸侯者故去之特急當孟子時已無可考非待秦火始亡也

秦始制祿以石大事記曰秦之祿秩於史無所考漢制三公

號稱萬石其俸月各三百五十斛考其稱中二千石者月各百八十斛二千石者百二十斛比二千石者百斛千石者九十斛比千石者八十斛六百石者七十斛百石以下有斗食佐史之秩斗食月俸十一斛佐史月俸八斛按范睢毀穰侯之辭曰自斗食以上有非相國之人者乎王翦攻闕與居斗食以下秩居斗食以下者謂佐史也呂不韋死其舍人六百石以上奪爵以此三事考之則漢之祿秩大率皆秦制其間小有增損則不可知耳

趙翼曰管子禁藏篇民率三十畝取一石則人有三十石國策燕噲讓

國子之自吏三百石以上悉子之又漢書食貨志李悝之論曰一夫田百畝每畝歲收一石半云云則斗斛之以石計自春秋戰國時已然又案古時一石重一百二十斤與一斛之數不甚相遠古時十斗爲斛一斛卽是一石後世五斗爲斛

兩斛爲一石宋時已然

制萬石

穀月三百五十斛

太師太傅太保丞相太尉御史大夫前

後左右將軍中二千石

中二千石實得二千石也中滿也月得百八十斛一歲凡得二千一百六

十石言二千石者舉成數也

太常光祿勳衛尉太僕廷尉大鴻臚宗正大

司農少府執金吾真二千石

外戚傳俗華秩視真二千石在

古曰真二千石月得百五十斛一歲得千八百石又如瀉注

汲黯傳云諸侯相秩真二千石月得百五十斛臣瓚注詹事

引茂陵書秩真二千石而百二千石得一千四百四十石太

官表乃無此秩

東京則有之

二千石

得一千四百四十石

太子太傅

荀悅漢紀自太子太

太子少傅詹事

茂陵書秩將作

少府大長秋長樂少府

建平四年四大后各置少府皆中二千石

長信少府典屬

國水衡都尉京兆尹左馮翊右扶風京輔都尉左輔都尉右

輔都尉司隸校尉

荀悅漢紀校尉並比二千石

城門校尉中壘校尉屯騎

校尉步兵校尉越騎校尉長水校尉胡騎校尉射聲校尉虎

黃校尉諸侯相

初真二千石在郡守上

郡太守

增秩者為中二千石

長信中太僕

諸侯太傅諸侯御史大夫諸侯中尉

哀帝曰傳相中尉皆國二千石

中少府

左曹右曹大郡都尉州牧

真二千石

長陵令

呂后六年秩長陵令二千石

大內

比

石

百斛

丞相司直護軍都尉光祿大夫

亡印綬增秩為中二千石

五官中郎將左中郎將右中郎將虎賁中郎將監羽林中郎

將西域都護奉車都尉駙馬都尉騎都尉郡都尉千石

穀月九十

斛丞相長史大司馬長史御史中丞將軍長史太常丞光祿

丞衛尉丞

六典注比千石

太僕丞大鴻臚丞宗正丞大司農丞少府

丞執金吾丞廷尉正監廷尉左監廷尉右監

荀悅漢紀正諸監秩比千石

侯郎中令諸侯僕

武帝損郎中令秩千石僕秩亦千石

萬戶縣令比千石

穀月八十

斛太中大夫郎中車將郎中戶將郎中騎將謁者僕射期門

僕射八百石

成帝陽朔二年除吏八百石秩李奇曰除八百就六百

比八百石諫大夫

六百石

穀月七

將作少府丞詹事丞水衡都尉丞廷尉左平

廷尉右平京兆丞左馮翊丞右扶風丞京輔都尉丞左輔都

尉丞右輔都尉丞郡長史州刺史郡太守丞郡都尉丞萬戶

縣令朔方刺史太子門大夫太子庶子太常掌故武騎常侍

公車司馬令大廐令未央令家馬令車府令路輪令騎馬令

駿馬令式道左候式道右候式道中候廩犧令外史閭師比

六百石

穀月六

博士議郎左中郎右中郎五官中郎戊己校

尉太子洗馬謁者五百石

成帝陽朔二年除吏五百石秩李奇曰除五百就四百

縣長

四百石

穀月五

縣丞縣尉比四百石

穀月四

五官侍郎左侍

郎右侍郎三百石

穀月四

次縣長比三百石

穀月三

五官郎

中左郎中右郎中二百石穀月三十斛左馮翊卒史縣丞縣尉比

二百石穀月二十七斛御史屬左右內史卒史郡國五

經卒史大行卒史長安游徼長安獄吏趙廣漢為京兆奏請益長安游徼獄吏秩

百石其後百石吏皆差比百石斗食百石以下有斗食之秩師古曰斗食者言一歲

不滿百石曰佐史斗食謂自中二千石至百石凡十三等自

四百石至二百石為長吏吏理也主理其縣內百石以下有斗食佐史

之秩斗食月奉十斛佐史月是為小吏王莽詔曰自公卿以下一月之祿十斛後

布二匹或帛一匹子每念之今奉祿一歲六十斛凡吏比二

千石以上年老致仕者三分故祿以一與之終其身時亦有奉錢之

差但史文初孝惠帝即位詔曰吏所以治民也能盡其治則

民賴之故重其祿所以為民也孝宣神爵三年詔曰吏不廉

平則治道衰今小吏皆勤事而奉祿薄欲其毋侵漁百姓難矣其益吏百石以下奉十五若食一斛則益五斗又應劭漢書曰張敞蕭望之言夫倉廩實而知禮節衣食足而知榮辱今小吏奉率不足常有憂父母妻孥之心雖欲潔身爲廉其勢不能可以什率增天下吏俸宣帝乃益天下吏奉什之二漢書言十五與此異兩存其說時王成爲膠東相黃霸爲潁川守皆以治行增秩中二千石元帝建昭二年益三河郡大

守秩成帝綏和元年益大司馬大司空奉如丞相二年又益三百石以下奉

章俊卿曰漢吏祿賦於民上自三公下至百石吏祿各有差其泥於百官表注者皆以穀計也至廣律則謂丞相大將軍俸錢月六萬是漢祿穀多而錢少如貢禹拜諫大夫秩八百石俸錢月九千二百又拜光祿大夫秩二千石俸



錢萬二千蓋寬饒以太中大夫爲司隸校尉俸錢月數千  
當時亦不以爲祿厚加之節臘有賜士大夫足以養廉而  
無冒恥于利之態惟小官卑秩稍祿旣薄而賞賜不及焉  
則不能以自奉宣帝憫小吏勤事益吏百石以下奉十五  
哀帝又益吏二百石以下奉自是小吏稍稍優裕至平帝  
時諸吏初除者皆食半俸滿一歲爲眞得食全俸比二千  
石以上致仕者三分故祿以一與之大抵亦高爵厚祿者  
損之耳

後漢大將軍三公俸月三百五十斛中二千石俸月百八十  
斛二千石俸月百二十斛比二千石俸月百斛千石俸月八  
十斛六百石俸月七十斛比六百石俸月五十斛四百石俸

月四十五斛比四百石俸月四十斛三百石俸月四十斛比  
三百石俸月三十七斛二百石俸月三十斛比二百石俸月  
二十七斛一百石俸月十六斛斗食俸月十一斛佐史俸月  
八斛凡諸受俸皆半錢半穀荀綽晉百官表注曰漢延平中  
斛真二千石月錢六千五百米三千石俸錢九千米七十二  
千五百米二十四斛一千石月錢四千米三千石月錢三千  
石月錢二千米二十一斛四百石月錢二千五百米十五斛三百  
石月錢二千米十二斛二百石月錢一千五百米九斛一百石月錢  
八百米四斛八斛獻帝起居注曰帝在長安詔書以三輔地  
不滿千里而軍師用度非一公卿已下不得奏除其若公田  
以秩石爲率賦與凡中二千石丞比千石真二千石丞長史  
令各自收其租稅六百石比二千石丞比六百石令相千石者丞尉皆四百石  
其六百石者丞尉皆三百石長相四百石及三百石者丞尉  
皆二百石諸侯公主家丞秩皆比三百石諸邊障塞尉諸陵

校尉皆二百石有常例者不署秩

本志

大將軍三公臘賜錢穀

二十萬牛肉二百斤粳米二百斛

特進侯以下各有差

立春之日遣使

者賜文官司徒司空帛三十四匹九卿十五匹武官太尉大將

軍各六十匹執金吾諸校尉各三十四匹武官倍文官

漢官儀

光

武建武二十六年詔有司增百官俸其千石以上減於西京

舊制六百石以下增於舊秩明帝永平四年賜公卿半俸順

帝漢安二年減百官俸桓帝延熹三年九月詔無事之官權

絕俸豐年如故四年七月減公卿以下俸

仲長統曰善士富者少而貧者多祿

不足以供養安能不少營私門乎從而罪之是設機置罟以待天下之君子也盜賊饑饉軍旅卒發橫稅弱人割奪吏祿夫薄吏祿以豐軍用緣於秦征諸侯漢承其弊遂不改更危國亂家此之由也五年詔減虎賁羽林

住寺不任事者半俸勿與冬衣其公卿以下給冬衣之半獻

帝建安八年頒賜三公以下金帛由是三年一賜以爲常制  
王鳴盛曰劉昭注續漢志引古今注曰建武二十六年四  
月戊戌增吏俸考光武紀建武二十六年春正月詔有司  
增百官俸李賢注引續漢志釋之今以二者參對李注千  
石月九十斛比千石月八十斛與志不同又二千石有比  
二千石六百石有比六百石四百石有比四百石三百石  
有比三百石二百石有比二百石何以千石別無比千石  
係傳寫者於千石俸之下誤脫落月九十斛比千石七字  
耳但彼文比六百石月五十五斛四百石月五十斛比四  
百石月四十五斛三者皆與志互異至西京官俸前書不  
見而顏師古注百官公卿表題下詳述其制今以李所引

續志細校之惟比六百石顏云六十斛李云五十五斛其餘槩同光武紀增百官奉之下繼云其千石已上減於西京舊制六百石已下增於舊秩今以校顏注是千石已上建武毫無所增而六百石已下僅有比六百石一條不同如顏說則建武反減於西京五斛何云增乎此必師古取續志以注百官表以後漢制當前漢制也然顏與李賢同時所見續漢志本與劉昭所據之本傳錄參差未知孰是而西京奉制已無可考

晉制諸公及開府位從公有品秩第一食俸日五斛給絹春百匹秋二百匹綿二百斤特進食俸日四斛春服絹五十匹秋絹百五十匹綿一百五十斤光祿大夫食俸日三斛春賜

絹五十匹秋百匹綿百斤尚書令食俸月五十斛春絹三十匹秋七十匹綿七十斤太子太傅少傅食俸日三斛春賜絹五十匹秋百匹綿百斤通典不載魏晉祿制馬氏通考取晉書職官志錄此一條以補之然志文簡略不全他書又無可考姑仍其舊武帝泰始三年詔曰古者以德詔爵以庸制祿雖下士猶食上農今在位者祿不代耕非崇化之本也其議增吏俸

宋州郡秩俸及雜供給多隨土所出永元初詔二品清官以上應食祿者有二親或祖父母年登七十並給見錢其郡縣田祿武帝永初二年制中二千石加公田一頃以芒種爲斷此前去官者則一年秩祿皆入前人此後去者悉入後人元嘉末又改前制計月分祿

齊氏眾官有僮幹之役而不詳其制永明五年制二品清官

融坐轍幹錢道杖五十免官又梁王湛爲吏部郎坐轍曹甲免官幹者若門僕之類也

梁武帝天監初定九品令一品秩萬石第二第三品中二千

石第四第五品二千石及侯景之亂國用常徧京官文武月

唯別得廩食多遙帶一郡縣官而取其祿秩焉揚徐等大州

比令僕班揚州督王畿理在建康徐州督重鎮理京口甯桂並外官刺史最重者尚書令僕射官品第三

等小州比參軍甯州理建甯桂州理始安並外官刺史最輕者公府參軍官品第六丹陽郡吳

郡會稽等郡同太子詹事尚書班丹陽尹理建康吳郡會稽並列郡重者詹事尚書官品第七

品第三高原晉康等小郡三班而已高原晉康並郡軍輕者武帝定九品後其內官吏爲

十八班班多者爲貴同班者卽以居下爲劣則與品第大郡

高下不倫當是以清濁爲差耳本史既略不得而詳六班小縣兩轉方至一班其州郡縣祿米絹布絲綿當處輸

臺附倉庫若給刺史守令等先准其所部文武人物多少由勅而裁凡加祿秩既通所部兵士給之其家得益少諸王諸主出閣就第婚冠所須及衣裳服飾并酒米魚鮓香油紙燭等並官給之王及主婚外祿者不給解任還京仍公給

陳氏祿秩自萬石至二百石多依梁制又有戎號擬官第一

品比秩中二千石第二品至四品秩中二千石第五至第六並千石第七至第八並六百石第九品並四百石諸將起自

第六品已下板則無秩其雖除不領兵領兵不滿百人并除

此官而爲州郡縣者皆依本條減秩石

二千石減爲千石千石降爲六百石自四

百石降而無秩其州郡縣自各以本秩論

凡板將軍皆降除一品諸依此減降品

秩其封爵第一品秩萬石二品至四品並視中二千石第五



至第六並視二千石第七至第八並視千石第九品視六百石

後魏初無祿秩至孝文帝太和八年詔曰置官班祿行之尙矣周禮有食祿之典二漢著受俸之秩逮於魏晉莫不聿稽往憲經綸治道自中原喪亂茲制中絕先朝因循未遑釐改朕憲章舊典始班俸祿罷諸商人以簡民事戶增調三匹穀二斛九斗以爲官司之祿均預調爲二匹之賦兼商用祿行之後賦滿一匹者死變法改度宜爲更始又詔曰俸制班行以十月爲首每季一請於是內外百官受祿有差九年制皇子封王者皇孫及曾孫紹封者皇女封者歲祿各有差十年議定州郡縣官依戶給俸十八年詔王公侯伯子男開國食

邑者王食半公三分食一侯伯四分食一子男五分食一十

九年減開官祿以裨軍國之用

千忠傳太和中國多事高祖以用度不足百官之祿四

分減一忠乃悉歸所減之祿職人進位一級舊制天下之民絹布一匹外各輸綿麻八兩忠悉以與之

正光三

年詔七品六品祿足代耕不聽錮貼店肆爭利城市時薛虎  
子上疏曰陛下遠崇古典畱意治方定貢賦之輕重均品秩  
之厚薄令百辟足以代耕編戶享其餘蓄臣竊尋居邊之民  
蒙化日淺戎馬之所資計素微小戶一丁而已計其徵調之  
費終歲乃有七縑去年徵責不備或有貨易田宅質妻賣子  
呻吟道路不可忍聞今淮南之人思慕聖化恐聞賦重更懷  
進退特宜寬省以招未至其小郡太守數戶而已一請止六  
尺絹歲不滿匹既委邊捍取其必死邀之士重何吝君輕書

奏文明太后令曰俸制已行不可小有不平便虧通式淮南王他奏求依舊斷祿文太后令召羣臣議之高閭表曰明君不能獨理必須臣以作輔故車服有等差爵命有分秩德高者則位尊任廣者則祿重下者祿足以代耕上者俸足以行義君班其俸垂惠則厚臣受其祿感恩則深於是貪殘之心止竭效之誠篤兆庶無侵削之煩百辟備禮容之美斯則經世之明典爲治之至術自中原幅裂民戶耗減國用不充俸祿遂廢大魏應期紹祚式考舊章準百王不易之勝法述前聖利世之高軌置立隣黨班宣俸祿事設令行於今已久苟懸不生上下無怨利潤之厚如何可改且饑寒切身慈母不能保其子家給人足禮讓可得而生但廉清之人不必皆富

豐財之士未必悉賢今給其俸則清者息其濫竊貪者感而嚮善若不班祿則貪者肆其奸情清者不能自保難易之驗灼然可知如何一朝便欲去俸詔從閭議

北齊秩一品每歲八百匹二百匹為一秩從一品七百匹一百七十五匹為一秩

秩二品六百匹一百五十匹為一秩從二品五百匹一百二十五匹為一秩三品

四百匹一百匹為一秩從三品三百匹七十五匹為一秩四品二百四十匹

六十匹為一秩從四品二百匹五十匹為一秩五品一百六十匹四十匹為一秩從

五品一百二十匹三十匹為一秩六品一百匹二十五匹為一秩從六品八

十匹二十匹為一秩七品六十匹十五匹為一秩從七品四十匹十四匹為一秩八

品三十六匹九匹為一秩從八品三十二匹八匹為一秩九品二十八

匹七匹為一秩從九品二十四匹六匹為一秩祿率一分以帛一分以

六典通考卷二十七

粟一分以錢事繁者優一秩平者守本秩閑者降一秩長兼  
試守者亦降一秩官非執事不朝拜者皆不給祿州郡縣制  
祿之法刺史守令下車各前取一時之秩上上州刺史歲秩  
八百匹司縣牧同上中上下各以五十匹爲差中上降上下  
一百匹中中及中下亦以十匹爲差下上降中下一百匹下  
中下下亦各以五十匹爲差上郡太守歲秩五百匹降清都  
尹五十匹上中上下各以五十匹爲差中上降上下四十四  
匹中中及中下各以三十四匹爲差下上降中下四十四匹下中下  
下各以二十四匹爲差上上縣歲一百五十匹與鄴臨漳成安  
三縣同上中上下各以十匹爲差中上降上下三十四匹中中  
及中下各以五匹爲差下上降中下二十四匹下中下下各以

十匹爲差州自長史下逮於史吏郡縣自丞以下逮於掾佐亦皆以帛爲秩郡有尉者尉減丞之半皆以其所出常調課給之自一品至流外勳品各給事力一品至三十人下流外勳品或以五人爲等或以四人三人二人一人爲等繁者加一等平者守本力閑者降一等諸州刺史守令以下幹及力皆聽勅乃給其幹出所部之人一幹輸絹十八匹幹身放之力則郡縣白直充

後周制秩下士一百二十五石中士以上至於上大夫各倍之上大夫是爲四千石卿二分孤三分公四分各益其一公因盈數爲萬石其九秩一百二十石八秩至於七秩每二秩六分而下各去其一二秩一秩俱爲四十石凡頒祿視年之

上下畝至四金爲上年上年頒其正三金爲中年中年頒其半二金爲下年下年頒其一無年爲凶荒不頒祿

隋京官正一品祿九百石其下每以百石爲差至正四品是爲三百石從四品二百五十石其下每以五十石爲差至正六品是爲一百石從六品九十石以下每以十石爲差至從八品是爲五十石食封及官不判事者并九品爲不給祿其給皆以春秋二季刺史太守縣令則計戶而給祿各以戶數爲九等之差大州六百二十石其下每以四十石爲差至於下下則三百石大郡二百四十石其下每以三十石爲差至於下下則一百石大縣百四十石其下每以十石爲差至於下下則六十石其祿推及刺史二佐及郡守縣令開皇八年

五月高祖奏諸州無課調處及課州管戶數少者官人祿力  
乘前以來恆出隨近之州但判官本爲牧人役力理出所部  
請於所管戶內計戶徵稅帝從之先是京官及諸州並給公  
廩錢迴易生利以給公用至十四年六月工部尙書安平郡  
公蘇孝慈等以爲所在官司因循往昔以公廩錢物出舉興  
生唯利是求煩擾百姓敗壞風俗莫斯之甚於是奏皆給地  
以營農迴易取利一皆禁止十七年十一月詔在京及在外  
諸司公廩在市迴易及諸處興生並聽之唯禁出舉收利云  
義甯二年唐王爲相國罷外官給祿每十斛給地二十畝  
唐初官祿頗減隋制一品七百石從一品六百石二品五百  
石從二品四百六十石三品四百石從三品三百六十石四



品三百石從四品二百六十石五品二百石從五品百六十石六品百石從六品九十石七品八十石從七品七十石八品六十石從八品五十石九品四十石從九品三十石皆歲給之外官則否京師及州縣皆有公廩田供公私之費其後以用度不足京官有俸賜而已諸司置公廩本錢以番官易取息計員多少爲月料貞觀初百官得上考者給祿一季未幾又詔得上下考給祿一年出使者稟其家新至官計日給糧中書舍人高季輔言外官卑品貧匱宜給祿養親自後以地租春秋給京官歲凡五十萬一千五百餘斛外官降京官一等一品以五十石爲一等二品三品以三十石爲一等四品五品以二十石爲一等六品七品以五石爲一等八品

九品以二石五斗爲一等無粟則以鹽爲祿十二年罷諸司公廩本錢以天下上戶七千人爲胥士視防閤制而收其課計官多少而給之十五年復置公廩本錢以諸司令史主之號捉錢令史每司九人補於吏部所主纔五萬錢以下市肆販易月納息錢四千歲滿受官諫議大夫褚遂良上疏京七十餘司更一二載捉錢令史六百餘人受職太學高第諸州進士拔十取五猶有犯禁罹法者況廛肆之人苟得無恥不可使其居職太宗乃罷捉錢令史復詔給百官俸二十二年置京諸司公廩本錢捉以令史府史胥士永徽元年廢之以天下租腳直爲京官俸料冊府元龜是年詔文武五品以上解官充侍者宜準致仕例給以半祿并賜其後又薄斂一歲稅以高戶主之月收息給俸尋顯

以稅錢給之歲總十五萬二千七百三十緡一品月俸八千  
食料一千八百雜用一千二百二品月俸六千五百食料一  
千五百雜用一千三品月俸五千一百雜用九百四品月俸  
三千五百食料雜用七百五品月俸三千食料雜用六百六  
品月俸二千食料雜用四百七品月俸一千七百五十食料  
雜用三百五十八品月俸一千三百食料三百雜用二百五  
十九品月俸一千五十食料二百五十雜用二百行署月俸  
一百四十食料三十職事官又有防閣庶僕一品防閣九十  
六人二品七十二人三品四十八人四品三十二人五品二  
十四人六品庶僕十五人七品四人八品三人九品二人公  
主有邑士八十人郡主六十人縣主四十人外官以州府縣

上下中爲差少尹長史司馬及丞減長官之半參軍博士減判司三之二主簿縣尉減丞三之二錄事市令以參軍職田爲輕重京縣錄事以縣尉職田爲輕重羈縻州官給以土物關監官給以年支輕貨折衝府官則有仗身上府折衝都尉六人果毅四人長史別將三人兵曹二人中下府各減一人皆五十日而代開府儀同三司特進光祿大夫同職事官公廩雜用不給員外官檢校判試知給祿料食糧之半散官勳官衛官減四之一四夷宿衛同京官

通典內供奉及裏行不帶本官者祿俸食料防

閣庶僕一事以上並同正官帶官者聽從多處給若帶外官者依京官給食料賜會與京官同諸檢校及判試之等官不帶內外官者料度一事以上准員外官同正員例給若檢校及判試知處正官見關者兼給雜用其職田不應人正官者亦給其侍御史殿中監及監察御史知試等官並同內供奉裏行例天下置公廩本錢以典史

主之收贏十之七以供佐史以下不賦粟者常食餘爲百官俸料京官河南府錢三百八十萬太原及四大都督府二百七十五萬中都督府上州二百四十二萬下都督中州一百五十四萬下州八十八萬京兆河南府京縣一百四十三萬太原府京縣九十一萬三千京兆河南府畿縣八十二萬五千太原府畿縣諸州上縣七十七萬中縣五十五萬中下縣下縣三十八萬五千折衝上府二十萬中府減四之一下府十萬麟德二年給文官五品以上仗身以掌閑幕士爲之咸亨元年與職事官皆罷乾封元年京文武官視職事品給防閣庶僕百官俸出於租調運送之費甚廣公廩出舉典史有徹垣墉鬻田宅以免責者又以雜職供薪炭納直倍於正丁

儀鳳三年王公以下率口出錢以充百官俸食防閣庶僕邑士仗身封戶調露元年職事五品以上復給仗身光宅元年以京官八品九品俸薄詔八品歲給庶僕三人九品二人文武職事三品以上給親事帳內以六品七品子爲親事以八品九品子爲帳內歲納錢千五百謂之品子課錢三師三公開府儀同三司百三十人嗣王郡王百八人上柱國領二品以上職事九十五人領三品職事六十九人柱國領二品以上職事七十三人領三品職事五十五人護軍領二品以上職事六十二人領三品職事三十六人二品以下又有白直執衣二品白直四十人三品三十二人四品二十四人五品十六人六品十人七品七人八品五人九品四人二品執衣

十八人三品十五人四品十三人五品九人六品七品各六人八品九品各三人皆中男爲之防閑庶僕皆滿歲而代外官五品以上亦有執衣通典諸州縣官流內九品以上及在外監五品以上皆給執衣隨身驅使典執舉視其監官於隨近州縣取充關津嶺瀆都護府不治官並不給分爲三番每周而代不願代者聽之都護府不治州事亦有仗身都護四人副都護長史司馬三人諸曹參軍事二人上鎮將四人中下鎮將上鎮副三人中下鎮副各二人鎮倉曹關令丞戍主副各一人皆取於防人衛士十五日而代宿衛官三品以上仗身三人五品以上二人六品以下及散官五品以上各一人取於番上衛士役而不收課親王出藩者府佐史典軍副典軍有事力人數如白直諸司諸使有守當及廳子以兵及勳官爲之白直執衣以下分三番周

歲而代供役不踰境後皆納課仗身錢六百四十防閑庶僕  
白直錢二千五百執衣錢一千其後親事帳內亦納課如品  
子之數州縣典史捉公廨本錢者收利十之七富戶幸免徭  
役貧者破產甚眾祕書少監崔沔請計戶均出每丁加升尺  
所增益少流亡漸復倉庫充實然後取於正賦罷新加者開  
元十年中書舍人張嘉貞又陳其不便遂罷天下公廨本錢  
復稅戶以給百官通典省王公以下視品官參佐及京官五  
品以上給防閑一品以上官仗身職員凡京司文武職事官  
五品以上給防閑一品九十六人二品七十二人三品四十  
八人四品三十二人五品二十四人六品十二人七品六人  
八人七品四人八品三人九品二人公王主士八人郡主  
五人七品四人八品三人九品二人京官仕兩職者從  
六十人縣主四十人特封縣主三十四人京官仕兩職者從  
多給凡州縣官皆有白直二品四十人三品三十二人四品  
二十人五品十六人六品十一人七品六人八品五人九品  
四人凡諸親王府屬十八年州縣籍一歲稅錢爲本以高戶  
並給士力數如白直



捉之月收贏以給外官復置天下公廨本錢收贏十之六二十四年令百官防閤庶僕俸食雜用以月給之總稱月俸一品錢三萬一千二品二萬四千三品萬七千四品萬一千五百六十七五品九千二百六品五千三百七品四千一百八品二千四百七十五九品千九百一十七祿米則歲再給之一品七百斛從一品六百斛二品五百斛從二品四百六十斛三品四百斛從三品三百六十斛四品三百斛從四品二百五十斛五品二百斛從五品百六十斛六品百斛自此十斛爲率至從七品七十斛八品六十七斛自此五斛爲率至從九品五十二斛外官降一等先是州縣無防人者籍十八以上中男及殘疾以守城門及倉庫門謂之門夫番上不至

者開月督課爲錢百七十忙月二百至是以門夫資課給州  
縣官天寶初給員外郎料天下白直歲役丁十萬有詔罷之  
計數加稅以供用人皆以爲便自開元後置使甚衆每使各  
給雜錢宰相楊國忠身兼數官堂封外月給錢百萬幽州平  
盧節度使安祿山隴右節度使哥舒翰兼使所給亦不下百  
萬十四載兩京九品以上月給俸加十之二同正員加十之  
一通典天寶七載九月敕五品以上正員清官諸道節度使  
及太守等並聽常蓄絲竹以展權娛行樂盛時式覃中外  
至八載六月敕其男口給使王公家不過二十人其職事官  
一品不得過十人三品不得過八人四品不得過六人五品  
不得過四人京文武清官六品七品不得過二人八品九品  
不得過一人百官家蓄絲竹及給使口並是朝恩優寵資給  
故附於庶僕  
俸料之後  
兵興權臣增領諸使月給厚俸比開元制祿數  
倍至德初以用物不足內外官不給料錢郡府縣官給半祿

及白直品子課乾元元年亦給外官半料及職田京官給手  
力課而已永康末取州縣官及折衝府官職田苗子三之一  
市輕貨以賑京官大厯元年敕天下青苗錢得錢四百九十  
萬緡輸大盈庫封太府左右藏鐫而不發者累歲二年復給  
京兆府及畿縣官職田以三之一供軍餉增稅青苗錢一畝  
至三十權臣月俸有至九十萬者刺史亦至十萬楊綰常袞  
爲相增京官正員官及諸道觀察使都團練使副使以下料  
錢楊綰定州府官月廩兵興從權宜官品同而祿例差江淮大州月千緡而山劍上州刺史止數十緡及此始復太平  
舊制初檢校官同中書門下平章事者月給錢十二萬至是戶  
部侍郎判度支韓滉請同正官從高而給之文官一千八百  
五十四員武官九百四十二員月俸二十六萬緡而增給者

居三之一建中三年復減百官料錢以助軍李泌爲相又增百官及畿內官月俸復置手力資課歲給錢六十一萬六千餘緡文官千八百九十二員外官八百九十六員左右衛上將軍以下又有六雜給一曰糧米二曰鹽三曰私馬四曰手力五曰隨身六曰春冬服私馬則有芻豆手力則有資錢隨身則有糧米鹽春冬服則有布絹絕紬絲射生神策軍大將軍以下增以鞋比大厯制祿又厚矣冊府元龜貞元三年敕京官宜加給料錢初張通賞減黜官員人人皆怨是年李泌作相請復之以從人欲通典是年九月敕致仕官所請半祿料及賜物等並宜從敕出日於本貫及寄住處州府支給至貞元四年李泌以度敕其宴會及朔望朝參並依恆式今後宜准此支有兩稅錢鹽鐵使有筦榷錢可以擬經費中外給用每貫李泌以度熱二十號戶部除陌錢復有關官俸料職田錢積戶部號戶

六典通考卷二十七

三

部別貯錢御史中丞專掌之皆以給京官歲費不及五十五萬緡京兆和糴度支給諸軍冬衣亦往往取之減王公以下永業田詳職田考尚郡主檢校四品京官者月給料錢三十萬祿百二十石尚縣主檢校五品京官者料錢二十萬祿百石者自李泌增百官俸當時以爲不可朘削矣然有名存而職廢額去而俸在者宰相李吉甫建議減之遂爲常法于時祠祭蕃夷賜宴別設皆長安萬年人吏主辦二縣置本錢配納質積戶收息以供費諸使捉錢者給牒免徭役有罪府縣不敢劾治民間有不取本錢立虛契子孫相承爲之嘗有毆人破首詣閑廐使納利錢受牒貸罪御史中丞柳公綽奏諸使捉錢戶府縣得捕役給牒者毀之自是不得錢者不納利矣議

者以兩省尙書省御史臺總樞機正百寮而倍稱息利非馭  
官之體元和九年戶部除陌錢每緡增墊五錢四時給諸司  
諸使之餐置驅使官督之御史一人覈其侵漁起明年正月  
收息五之一號元和十年新收置公廨本錢初捉錢者私增  
公廨本以防耗失而富人乘以爲姦可督者私之外以逋官  
錢迫蹙閭里民不堪其擾御史中丞崔從奏增錢者不得踰  
官本其後兩省捉錢官給牒逐利江淮之間鬻茶鹽以撓法  
十三年以職田多少不均每司收草粟以多少爲差其後宰  
相李珣楊嗣復奏堂廚食利錢擾民煩碎於是罷堂廚捉錢  
官置庫量入計費唐世百官俸錢會昌後不復增減今著其  
數太師太傅太保錢二百萬太尉司徒司空百六十萬侍中

百五十萬中書令門下中書侍郎左右僕射太子太師太保太傅百四十萬尚書御史大夫太子少師少保少傅百萬節度使三十萬都防禦使副使監軍十五萬觀察使十萬左右丞侍郎散騎常侍諫議大夫給事中中書舍人祕書殿中內侍監御史中丞太常宗正大理司農太府鴻臚太僕光祿衛尉卿國子祭酒將作少府監太子賓客詹事諸府尹大都督府長史都團練使副使上州刺史八萬太常宗正少卿太子左右庶子節度副使刺史知軍事七萬六軍統軍諸府少尹少監少卿國子司業少詹事六萬五千左右衛金吾衛上將軍六軍大將軍六萬左右驍衛武衛威衛領軍衛監門衛千牛衛上將軍上州別駕五萬五千郎中司天監太子左右諭

德家令寺僕寺率更寺令親王傅別敕判官觀察國練判官  
掌書記上州長史司馬五萬左右衛金吾衛大將軍懷化大  
將軍諸府大都督司錄參軍事鵠赤縣令四萬五千員外郎  
起居郎通事舍人起居舍人著作郎內常侍侍御史殿中侍  
御史太常宗正殿中祕書丞大理正國子博士京都宮苑總  
監監都水使者太子中舍中允王府長史歸德將軍節度推  
官支使防禦判官上州錄事參軍事畿縣上縣令四萬懷化  
中郎將三萬七千左右驍衛武衛威衛領軍衛監門衛千牛  
衛殿前左右射生軍神策軍大將軍左右衛金吾衛將軍三  
萬六千補闕殿中侍御史諸府大都督府判官赤縣丞三萬  
五千懷化郎將三萬二千拾遺司天少監六局奉御內常侍



監察御史御史臺主簿太常博士陵署令大理司直中書主  
書門下錄事太子贊善典內洗馬司議郎王府司馬驍衛武  
衛威衛領軍衛監門衛六軍射生神策軍將軍歸德中郎將  
觀察防禦團練推官巡官鵠赤縣丞兩赤縣主簿尉上州功  
曹參軍以下上縣丞三萬城門郎祕書郎著作佐郎六局直  
長十六衛六軍諸府十率府長史懷化司階畿縣丞鵠赤縣  
主簿尉二萬五千歸德司階二萬二千五官正太常寺協律  
郎陵署丞諸寺監主簿國子太學廣文助教都水監丞詹事  
府司直太子通事舍人文學三寺丞五局郎王府諮議參軍  
支畿縣上縣主簿尉二萬懷化中候萬八千十六衛六軍十  
率府率副率中郎中郎將萬七千三百五十歸德中候萬七

千四門助教十六衛佐祕書省崇文宏文館校書郎正字太  
常寺奉禮郎太祝郊社太樂鼓吹署令四門助教京都宮苑  
總監副監九成宮總監監主事十六衛六軍衛佐尙書省都  
事萬六千十六衛六軍中候太子內率府千牛六千一百七  
十四內寺伯懷化司戈諸府大都督府參軍事文學博士錄  
事上州參軍事博士萬五千歸德司戈萬四千十六衛六軍  
十率府左右郎將親王府典軍副典軍萬三千八百司戈內  
率府備身僕寺進馬三千七百一十二符寶郎內謁者監九  
寺諸監詹事府丞太醫署令太學廣文四門博士中書門下  
主事太子文學侍醫諸府都督府醫博士法直兩赤縣錄事  
上州錄事市令萬三千懷化執戟長上萬一千門下省典儀

侍御醫司天臺丞都水監主簿率府衛佐諸司主事御史臺  
主事萬二千司醫太醫署丞歸德執戟長上一萬醫佐大理  
寺評事太常宗正寺詹事府主簿寺監內侍省司天臺左右  
春坊詹事府錄事主事八千司階千牛備身左右七千九百  
九十京都園苑四面監監兩京諸市中尚武庫武成王廟署  
令王府掾屬主簿記室錄事參軍事七千司天臺主簿靈臺  
郎保章正上局署令七品陵廟令京都宮苑總監丞司竹溫  
泉監監太子內坊丞王府功曹以下參軍事親王國令公主  
邑司令六千奚官內僕內府局令司竹溫泉副監五千書算  
律學博士內謁者中局署令上局署丞五京挈壺正京都園  
苑四面監九成宮總監副監醫鍼博士醫監陵廟令司竹溫

泉監丞太子藥藏局丞王府參軍事王國大農公主邑司丞  
四千獄丞國子監直講掌客司儀中局署丞監膳監作監事  
食醫尙輦進馬奉乘主乘典乘司庫司廩十六衛十率府錄  
事親勳翊府兵曹參軍事司天臺司辰司厯監候內坊典直  
宮敎博士樂正醫正卜正按摩祝禁卜博士針醫卜書算助  
敎陵廟太樂鼓吹署丞京都園苑四面監九成宮總監丞諸  
總監主簿太子典膳內直典設宮門局丞三寺主簿親王國  
尉丞三千十六衛六軍十率府執戟長上左右中郎將二千  
八百五十

日知錄北夢瑣言唐畢相誠家本寒微其舅爲太

湖縣伍伯相國恥之俾罷此役爲除一官累遣致  
意竟不承命特除選人楊載宰此邑參辭曰於私第延坐與  
語期爲落籍津送入京楊令到任具達台旨伍伯曰某下賤  
豈有外甥爲宰相耶楊令堅勉之乃曰某每歲公稅享六十  
絹事例錢苟無敗闕終身優渥不審相公欲爲致何官職楊

令具以聞相國歎賞亦然其說竟不奪其志也夫以伍伯之役而歲六十緡宜乎臺皂之微皆知自重乃信漢書言趙廣漢安請令長安游徼獄吏秩百石其後百石吏皆差自重不敢枉法妄繫留人誠清吏之本務矣 大中六年

中書門下奏應諸州刺史既欲責其潔已須令俸祿稍充但以厚薄不同等級無制致使俸薄處無人願去祿厚處終日爭先應中下州司馬軍事俸料供不滿一百千者請添至一百千緊上州添至一百五十千雄望州則添至二百千先已過者即仍舊

信昭亂離國用窘闕至天祐中百官止給半俸

章俊卿曰唐職田變而爲地又未幾而罷罷而又置職田公廩本錢有俸有料有賜或年給季給月給日給春秋給其後無事則增加軍興則半給其後愈增愈重天寶數倍於開元大厯數倍於天寶建中又倍於大厯大厯中權臣

月俸有至九十萬者刺史亦至十萬自此以後大率外官俸錢重於內官有自方鎮爲八座至謂罷權有自左丞貶歙州刺史家人恨降之晚 顧炎武曰唐時俸錢上州刺史八萬中下州七萬赤縣令四萬五千畿縣上縣令四萬赤縣丞三萬五千上縣丞三萬赤縣簿尉三萬畿縣上縣簿尉二萬元宗天寶十四載制曰衣食既足廉恥乃知至如資用靡充或貪求不已敗名冒法實此之繇輦轂之下尤難取給其在西京文武九品以上正員官原注唐時官多有員外置別言之分今後每月給俸食雜用防閣庶僕等宜十分率加二分其同正官員加一分仍爲常式而白居易爲藍屋尉詩云吏祿三百石歲宴有餘糧其江州司馬廳記曰唐興

上州司馬秩五品歲廩數百石月俸六七萬官足以庇身  
食足以給家今之制祿不過唐人之什二三彼無以自贍  
焉得而不取諸民乎昔楊綰爲相承元載汰侈之後欲變  
之以節儉而先益百官之俸皇甫鎛以宰相判度支請減  
內外官俸祿給事中崔植封還詔書可謂達化理之原者  
矣

梁開平三年詔百官俸料委左藏庫依則例全給 後唐同  
光初租庸使以軍儲不充百官奉錢雖多而折支非實請減  
半數而支實錢是後所支半奉復從虛折 後漢乾祐三年  
勅諸道州府令錄判官主簿宜令等第支與俸戶逐戶每月  
納錢五百與除二稅外免放諸雜差遣不得更種職田所定

俸戶於中等無色役人戶內置不得差令當直及赴衙參若是令錄判司主簿除本分人數外剩占俸戶及令當直手力更納課錢並許百姓陳告 周顯德五年中書奏諸道州府縣官及軍事判官並宜則例定料錢及米麥等以來年支給其內外官課戶莊戶俸戶柴炭紙筆戶等並停如今後更有人戶願充此等戶者仰本州勒充軍戶配本州牢城執役

自漢以後唐之祿制最爲優厚顧氏所述是已五代承僖昭喪亂之後軍儲不足百官僅支半俸仍從虛折而殿廷有買宴之錢州鎮有進奉之儀其將安所取給乎考其時民間有課戶有俸戶有莊戶至于薪炭紙筆之役亦各有戶則吏人之饔飧亦多途矣史稱北漢國小



民貧宰相月俸止百緡節度使三十緡餘薄有資給而已故其國中少廉吏愚以爲生其時者幸而爲吏不幸而爲民吏貧可以責之民而民則旣厄于兵戈又困于敲扑吾不知其何計以舒死也

六典通考卷二十八

湖西閭鎮珩輯

祿制考

歷代祿制

宋乾德四年詔曰州縣官奉皆給他物頗聞貨鬻不充其直責以廉隅斯亦難矣至有賦於隱肆重增煩擾且復抵冒公憲自罹刑辟甚無謂也漢乾祐中置州縣官奉尹除二稅外獨其他役周顯德始革其制自今宜逐處置回易料錢戶每本官所受物凡一千分納兩戶恣其貿易戶輸錢五百獨役之令悉如漢詔所賦官物令諸州計度充一歲所給之數與鹽監同時並給之其萬戶縣令五萬戶州錄事兩京司錄舊

月奉錢二萬者給四十戶率是爲差簿尉及戶法掾舊月俸六千者增一千如所增之數給與奉戶是歲令西川官全給實錢開寶四年詔節察防團副使權知州事節度掌書記自朝廷除授及判別廳公事者亦給之副使非知州事掌書記奏授而不釐務者悉如故給以折色太平興國元年詔罷天下奉戶其本官奉錢並給以官物令貨鬻及七分仍依顯德五年詔增給米麥二年詔諸道所給幕職州縣官俸頗聞官高不能充七分之數宜令三分給一分見錢二分析色令通判面估定官物不得虧損其價又令西川諸州幕職官奉外增給錢五千端拱元年詔曰州郡從事之職皆參贊郡畫助宣條教而州縣之任並飭躬莅政以綏吾民康祿之制

宜從優異除川陝嶺南已給見錢外其諸州府幕職州縣官料錢舊三分之二給以它物自今半給緡錢半給它物漙化

三年京東西河北河東陝西幕職州縣官料錢給以它物者

每千給錢七百初川陝廣南福建幕職州縣並許預借奉錢大中祥符間又詔江浙荆湖遠地麟府等州

河北河東緣邊州軍自今許預借兩月近地一月奉錢真宗咸平元年詔文武羣臣有

分奉它所而身沒未聞訃已給者例追索可憫自今川陝廣

南福建一季餘處兩月悉蠲之三年詔羣臣月奉折支物無

收其算尋又增川陝路朝官使臣等月給添支知制誥楊億疏言唐制內

外官俸錢支外有祿米職田又給防閑庶僕親事帳內執衣白直門夫各以官品差定其數歲收其課資於家本司又有

公廩田食本錢以給公用自唐末離亂國用不充百官俸錢並減其半自餘別給一切權罷官於半俸之中已是除陌又

於半俸三分之內其二以他物給之需於市廛裁得其三曾糊口之不及豈代耕之足云昔漢宣帝詔吏能勤事而俸

六典通考卷二十八

祿薄欲其無侵漁百姓難矣遂加吏俸著於策書今之結髮登朝陳力就列其俸不能致九人之飽不及周之上農其祿未嘗有百石之入不及漢之小吏若乃左右僕射百寮之師長月俸所入不及軍中千夫之帥甚可駭也欲乞百官俸祿雜給並循舊制景德四年詔自今掌事文武官月奉給折支京師每

一千給實錢六百在外四百願給他物者聽大中祥符五年

詔文武官並增奉

三師三公東宮三師僕射各增二十千三

常宗正卿內客省使上將軍各增十千橫班諸司各增五千朝官五品正中郎將已上諸司使副各增三千京官內殿承制崇班閣門祇候各增二千供奉官各增一千五百奉職借職增一千餘如舊自乾興已後添給廉

人餐錢至嘉祐始著於祿令自宰相而下至嶽瀆廟主簿凡

四十一等

熙甯二年中書門下言天下選人俸薄不足以勸

六員舊請米麥三石者並增至四石司理司法司戶主簿縣尉二千五百一十三員舊請米麥兩石者並增至三石防團軍事推官軍監判官一百七十二員舊請米麥二石元豐新者並增至三石每月通增米麥三千七十餘石從之

官制職事官職錢以寄祿官高下分行守試三等大率官以祿令爲准而京官供給之數併爲職錢如大夫爲郎官既請大夫俸又給郎官職錢視嘉祐時賦祿爲優崇甯間蔡京秉政職錢而外復增供給食料等錢如京僕射俸外又請司空俸餘兼從錢米並支本色他執政皆然視元豐祿制增倍矣建炎南度參用嘉祐元豐政和之舊少所增損惟兵興之始宰職請受權支三分之一或支三分之二或支賜一半隆興及開禧自陳損半支給其後內外官有添支料錢職事官有職錢廚食錢職纂修者有折食錢在京釐務官有添支錢添支米選人使臣職錢不及者有茶湯錢餘祿粟僉人依舊寄祿之制開府儀同三司料錢一百貫特進九十貫

春冬衣絹各二十五

卷一百一十五

三

一匹小綾一匹冬羅料錢各五十兩金紫光祿大夫銀青光祿大夫料錢各六十貫

春冬羅各一匹冬羅料錢各五十兩宣奉大夫正奉大夫正議大夫通

奉大夫料錢各五十貫春冬羅各一匹冬羅料錢各五十兩通議大夫太中大

夫中大夫中奉大夫中散大夫料錢各四十五貫春冬羅各

五十兩朝議大夫奉直大夫朝請大夫朝散大夫朝奉大夫

以上料錢各三十五貫春冬羅各三十兩朝請郎朝散郎朝奉郎以上

料錢各三十貫春冬羅各三十兩承議郎料錢各二十貫春冬羅各

三十兩奉議郎料錢各二十貫春冬羅各三十兩通直郎料錢各十八貫

兩春羅一匹宣敎郎料錢各十五貫春冬羅各十五兩宣議郎料錢各十二貫

各五匹冬承事郎料錢各十貫春冬羅各十五兩承奉郎料錢各八貫承務郎

料錢七貫元豐以來釐務以上料錢一分見錢二分折支每

止支驛料大觀二年定支

貫折錢在京六百文在外四百文到任添給驛料承直郎錢

二十五貫茶湯錢一十貫廚料米六斗麴一石五斗藥儒林

郎料錢二十貫茶湯錢一十貫廚料米六斗麴一石五斗文林

郎料錢三十貫茶湯錢一十五貫廚料米六斗麴一石從事郎

從政郎修職郎湯錢一十貫麥米各二石迪功郎二貫茶湯

錢一十貫米麥以上錢折支中給一半見錢一半折支每貫

折見錢七百元釐務日給滿替日住武臣請奉太尉百貫春

服羅一匹小綾及絹各十匹冬服正任節度使在光祿大夫

帶管軍同料錢四百承宣使在通議大夫之下料錢觀察使

貫祿粟一百石下料錢各二百防禦使在中散大夫之下料錢

麥各十二團練使在中散大夫之下料錢一百五諸州刺史

石五斗



六典通考卷二十八

四

在中散大夫之下料錢一百貫自承宣使以下不帶階官者祿粟五十石米麥各七石五斗

為正任帶階官者為遙郡遙郡各在正任之下請奉與次任

正任一同靖康指揮遙郡以上奉錢衣賜僚人奉馬權支三

分之二殿前三衙四廂捧日天武左右廂都指揮使遙郡團

練使料錢一百貫文春冬服絹各十匹殿前諸班直都虞候諸軍都指揮使

遙郡刺史料錢五十貫龍衛神衛右廂都指揮使遙郡團練使

同捧日天武龍神衛諸軍都指揮使遙郡刺史同殿前左右金吾衛

上將軍左右衛上將軍在光祿大夫之下諸衛上將軍在通奉大夫之下以上料

錢各六十貫春冬綾各五匹絹各一匹左右金吾衛大將軍在中散大夫之下

夫之下料錢二十五貫春冬綾各三匹諸衛大將軍在中散大夫之下料錢二

匹絹七匹春冬綾各三匹諸衛將軍在朝奉郎之下料錢二

匹春羅一匹冬絛二十兩諸衛將軍在朝奉郎之下料錢二

一匹絹各七匹春羅率府率在奉議率府副率在通直散騎之

一匹冬絹十五兩通侍大夫在中散大夫之下料錢十三

一匹冬絹一十五兩正侍大夫宣正大夫履正大夫協忠

大夫中侍大夫以上在中散大夫之下料錢各三十七貫祿

馬三匹中亮大夫在中散大夫之下料錢三十七貫祿粟

人馬三匹中衛大夫翊衛大夫親衛大夫在中散大夫之下防禁使之上拱

衛大夫左武大夫右武大夫並在奉直大夫之下諸司正使

絹七匹冬絹十武功大夫武德大夫武顯大夫武節大夫武

略大夫武經大夫武義大夫武翼大夫並在朝散大夫之下

貴廚料米一石麵二石春絹料錢宰相樞密使月三百貫和政

七匹冬絹十匹縣三十兩左輔右弼為宰相紹興左右僕射同中書門下平章事為宰相

相舊制春冬服小綾各二十匹絹各三十匹春羅一匹冬羅

一百 知樞密院事參知政事樞密副使同知樞密院事簽書

樞密院事二百貫春冬服小綾各十匹絹各太師太傅太保

少師少傅少保三百貫春服羅三匹小綾三匹冬服綾絹同縣一百兩職事官職

錢開封牧百貫春服羅一匹小綾一匹冬服綾絹同縣一百兩太子太師太

傅太保二百貫春服羅一匹小綾一匹冬服綾絹同縣五十兩少師少傅少

保百五十貫春冬服小綾各七匹絹各二御史大夫六部尚

書行六十貫守五十五貫試五十貫春服羅一匹翰林學士

承旨翰林學士五十貫春服羅一匹左右散騎常侍行五十貫試四十

五貫春服小綾三匹絹十五匹權六曹尚書御史中丞六曹

侍郎並同常侍太子賓客行五十貫守四十七貫試四十五

冬綾絹同太子詹事錢衣同賓客給事中中書舍人行五

冬綾絹同太子詹事錢衣同賓客給事中中書舍人行五

守四十五貫試四左右諫議大夫行四十五貫守四十貫權

六曹侍郎職錢四十貫絹同上太常宗正卿行三十八貫守二十五貫

序祕書監行四十二貫守三十貫七寺卿國子祭酒行二十五貫

二貫試太常宗正少卿祕書少監行三十二貫守三十貫中書門

下省檢正諸房公事左右司郎中行四十貫守三十貫國子司

業少府將作軍器監行三十二貫守三十貫太子少詹事行三十貫

試三十二貫太子左右諭德行二十二貫守三貫起居郎起居舍

人侍御史行三十七貫守三十貫左右司員外郎六曹郎中同上

殿中侍御史左右司諫行三十五貫守三十貫左右正言行三十貫

三十貫試諸司員外郎同司諫少府將作軍器少監行三十貫

二十八貫試太子侍讀侍講行二十五貫守二十貫監察御史同正

六典通考卷二十八

言太子中舍人太子舍人行二十貫守十八貫太常丞太醫令宗

正丞知大宗正丞祕書丞大理正著作行二十五貫守二十貫紹興

元年指揮宣教郎任館職寺監丞簿評事臺法主簿寺七寺

丞行二十二貫祕書郎行十八貫太常博士同七寺丞著作

佐郎同祕書郎國子監丞同七寺丞大理司直評事同著作

郎少府將作都水監丞行二十貫祕書省校書郎行十八貫

四正字行十六貫御史臺檢法主簿九寺簿行二十貫諸

王宮大小學教授太學武學博士行二十貫諸王府朔善贊讀直講記

室料錢並律學博士行十八貫太常寺奉禮郎行十六貫太常

寺太祝郊社令行十八貫太官令行十六貫五監主簿行十八貫

太學正錄武學諭行十八貫律學正行十六貫樞密院

官屬都承旨承旨

料錢四十貫職錢三十貫承旨二十五貫春服羅一匹小綾三匹絹十五匹冬服小

綾五匹絹十五匹

副都承旨

料錢三十貫職錢二十貫副承旨

同主管承旨司公事加五貫春衣羅

一匹絹十五匹冬絹同絹三十兩

檢詳諸房文字

職錢三十貫

廚食錢

計議編修官

添支錢十貫第三等折食錢日五百

凡諸職事

官職錢不言行守試者準行給職事官衣如寄祿官例及無

立定則例者隨寄祿官給職料錢米麥計實數給兩應給者

從多給

謂職錢米麥

諸稱請受者謂衣糧料錢餘並為添給舊制

觀文殿大學士三十貫

米三十石

觀文殿學士資政保和殿大

學士二十貫資政保和殿學士十五貫

米並同上春冬小綾各五匹絹各十七

匹春羅一匹

龍圖天章寶文顯謨徽猷敷文閣學士直學士

冬絹十五兩

十五貫

春冬小綾各三匹絹各十五匹春羅一匹冬絹五十兩保和殿龍圖天章寶文

顯謨徽猷敷文閣待制同大觀中添支改名貼職錢觀文殿

大學士

貼職錢百貫米麥各二十五石添支米三石麴五石萬字茶二斤

觀文殿學士資政

保和殿大學士

八十貫米麥同添支十貫米麥同

資政保和殿學士

七十貫米麥同

添支米麥同萬字茶二斤春冬綾五匹絹一十七匹絳五匹羅一匹冬絳五匹

端明殿學士

五十貫米麥二十石

綾五匹絹一十七匹絳五匹羅一匹冬絳五匹龍圖天章寶文顯謨

徽猷敷文閣學士樞密直學士

正三品四十貫米麥各十石添支米二石麴五石萬字茶

二斤春冬綾五匹絹一十七匹龍圖天章寶文徽猷敷文閣直學

士保和殿待制

三十貫米麥各十七石五斗春冬綾各三匹絹一十五匹龍圖

天章寶文顯謨徽猷敷文閣待制

二十貫米麥各一十二石五斗春冬綾各三匹絹一十五匹

冬絳五匹集英殿修撰右文殿修撰祕閣修撰各十貫直

龍圖天章寶文閣直顯謨徽猷敷文閣直祕閣

各十貫宣和間

賜賚錢仍舊制紹興因之諸學士添支錢曾任執政官以

上者在京外任並支其餘在京支外任不支米麵茶炭奉馬

儻人衣糧內外任並給酒添支馬草料外任勿給在外知判

州府軍監等荆南永興江甯揚潭州三十千鳳翔洪州二十

千廣州知州七百千逐月均給成都府給鐵以都總管經略

安撫等使者河北四路陝西逐路河東路前任兩府並五十

千大中大夫待制以上三十千特添二十千知大名府如常

同知并州帶學士三路管幹機宜文字朝官十千京官七千

知桂州充廣南西路都鈐轄經略安撫使自太中大夫以上

三十千朝臣充廣西路兵馬都鈐轄兼本路河北沿邊安撫

副使都監以橫行使充三十千自橫行副使并武功大夫至

敦武郎以上充二十千秉議



郎閤門祇候充同管幹河東沿邊安撫司公事以橫行副使

都監郎十五千至敦武郎以上二十千秉義祇候十五千通判大藩京朝官

有二十千至十千者餘州軍十千至七千者京官七千京官通判

成都府給鐵錢入十千京官六十千朝官通判成都府梓州夔路州軍府給鐵錢七十千京官五十千三都路

轉運使淮南荆浙一置茶鹽礬稅都大發運使太中大

夫待制中上三十千朝官充發運使副二十千武

大夫至武充發運使副都監同充判官十千三門白波發運使朝官二十千

朝官充判官十諸路轉運使副朝官二十千任成都梓州夔

千京官七十路給鐵錢自六十千至四十府界并諸路州府軍監縣鎮監當朝官七千京

千凡三等官五千至四千二等武功大夫以下至進義校尉自十千至

二千七千朝官任川陝州府軍監給鐵錢五十千京官三十

千至二十五千凡二等進義校尉以上成都梓州

自六十千至二十五千凡五等朝官充陝西及江浙荆湖福建廣南提舉

提點鑄錢等公事自二十千至十五千二等朝官充都大提

舉河渠司幹當及提舉宮觀併催遣輦運催綱諸州監物務

等自十五千至七千三等任川路給鐵錢七十千京官充催促輦運催

裝斛斗綱船並諸州監物務等自七千至五千二等任川路給鐵錢

五十都大提舉修護黃河防埽岸諸處巡檢並監北京大內

軍器庫并蔡河撥發催綱等並以兩省供奉官以下至內品

充自十千至三千七等凡外任添給羊二十口至二口六等

米二十石至二石七等麴三十石至二石七等僉二十人至

二人七等馬十匹至一匹六等祿粟及隨身元隨僕人之制

宰相粟百石隨身七十人知樞密院事參知政事樞密副使

六典通考卷二十八

同知樞密院事粟百石隨身五十人太師太傅太保少師少

傅少保百石

舊制百五十石

隨身百人太尉百石隨身五十人節度

使百五十石承宣使百石元隨各五十人觀察使防禦使百

石團練使七十石元隨各三十人諸州刺史五十石元隨二

十人捧日天武左右廂都指揮使遙郡團練使五十石僉十人

龍神衛右廂都指揮使帶遙郡團練使同殿前都班直都虞

候諸軍都指揮使遙郡刺史二十五石僉五人神龍衛都虞

都指揮使帶遙郡刺史同觀文殿大學士僉二十人觀文殿

學士資政保和殿大學士僉十人資政保和殿學士龍圖天

章寶文顯謨徽猷敷文閣學士僉七人樞密都承旨僉十人

副都承旨諸房副承旨七人餘京畿守令幕職曹官自十石

七石五石至二石各有等

凡一石給六斗米麥各半熙甯中又詔縣令錄事等官三石者增至

石兩石者增至三石

中書堂後官提點五房公事逐房副承旨自七

人五人至一人各有數公用錢自節度使兼使相給二萬貫

次萬貫至七千貫四等節度使萬貫至三千貫四等節度觀

察留後五千貫至二千貫四等觀察使三千貫至二千五百

貫二等防禦使三千貫至千五百貫四等團練使二千貫至

千貫三等刺史千五百至五百貫三等

觀察使以下在禁軍校者皆不給

守在邊要或加錢給者如故皆隨月給受

咸平五年令河北河東陝西諸州皆

逐季

給京師或月給或歲給章俊卿曰祖宗留意養賢前代俸

給未有實數今皆以實給之省官益俸見於開寶優游養賢

見於雍熙祥符則加之寶元則不減其爲士大夫慮至悉也

自元豐諸臣以省俸之名欺其君以增俸之實豐其身寄祿  
官有俸錢職事官又有職錢所入厚矣以元豐之制比之元  
祐最爲優異奚以省言也雖曰五品降爲六品七品降爲八  
品然此特章服爾議請減蔭及用舊品又奚以省言也元祐  
稍減於元豐而紹聖復沿於元豐其切於已計如此至崇觀  
姦臣自奉過度俸錢職錢之外又有食糧等錢有言之者則  
曰減俸非治世事噫古之制祿爲天下公後之制祿爲一己  
私竭臂血之私奉谿壑之欲君子爲之寒心焉中興以後一  
洗陋政增損得其道矣然嘗考祖宗之制大要有三一曰優  
小吏二曰優外臣三曰優故老選人之俸熙甯增之小官之  
俸紹興又增之非優小吏乎小吏加優則廉節立矣均給外

職田見於慶厯按文外官供給見於紹興非優外官乎外官加優則輕外之患去矣淳化中致仕給半俸景祐中致仕給俸如分司官非優故老乎故老加優則待賢之意篤而來者知勸矣

趙翼曰宋待士大夫可謂厚矣惟其給賜優裕故入仕者不復以身家爲慮各自勉其治行覲於眞仁英諸朝名臣輩出吏治循良及有事之秋猶多慷慨報國紹興之支撐半壁德祐之畢命疆場歷代以來捐軀徇國者惟宋末獨多雖無救於敗亡要不可謂非養士之報也然給賜過優究於國計易耗恩逮於百官者惟恐其不足財取於萬民者不畱其有餘此宋制之不可爲法者也

宋祿制自宰執以下有茶酒廚料及薪蒿炭鹽之給中書樞密諸司院有給紙者諸使臣或給驛券倉券館券爲道路廩食之費其事瑣屑今不備錄宋又有祠祿之制以佚老優賢其初以大官主管某宮某觀公事或是監當差遣如監船場酒務之類自王介甫更新法慮士大夫異議乃創爲宮觀祠祿以待之然惟監司郡守以上眷禮優渥者得之自郡守以下則盡送部元祐以後致仕之官多自陳乞有兼領者有再任者自是頗多泛濫南渡後申明條法仍復舊制

全百官俸給正一品三師錢粟三百貫石麪米麥各五十稱者春衣羅秋衣綾各五十匹春秋絹各二百匹縣千兩三公

錢粟二百五十貫石麴米麥各四十稱石春羅秋綾各四十匹春秋絹各百五十匹縣七百兩親王尚書令錢粟二百二十貫石麴米麥各三十五稱石春羅秋綾各三十五匹春秋絹各百二十匹縣六百兩皇統二年定制皇兄弟及子封王給二品俸餘宗室以三品俸給之天德二年三師宰臣有一官兼數職者前此並給以俸令從一官其兼職之俸不重給大定二十六年詔以職務煩簡定分數給兼職之俸從一品左右丞相都元帥樞密使郡王開府儀同錢粟二百貫石麴米麥各三十稱石春秋羅綾各三十匹絹各一百匹縣五百兩平章政事錢粟各一百九十貫石麴米麥各二十八稱石羅綾各二十五匹絹各九十五匹縣四百五十兩大宗正錢



粟一百八十貫石麴米麥各二十五稱石羅綾同上絹各九十匹縣四百兩正二品東宮三師副元帥左右丞錢粟百五十貫石麴米麥各二十二稱石羅綾各二十二匹絹各八十匹縣二百五十兩從二品錢粟一百四十貫石麴米麥各二十稱石羅綾各二十四匹絹各七十五匹縣三百兩同判大宗正錢粟百二十貫石麴米麥各八十稱石羅綾各八十四匹絹各七十匹縣二百五十兩正三品錢粟七十貫石麴米麥各十六稱石羅綾各十二匹絹各五十五匹縣二百兩外官錢粟一百貫石麴米麥各十五稱石絹各四十匹縣二百兩統軍使招討使副使錢粟八十貫石麴米麥十三稱石絹各三十五匹縣百六十兩都運府尹錢粟七十貫石麴米麥十二

石絹各三十匹縣百四十兩從三品錢粟六十貫石麴米  
麥各四十稱石羅綾各十匹絹各五十匹縣百八十兩外官  
錢粟六十貫石麴米麥各十稱石絹各二十五匹縣百二十  
兩皇統元年詔三品致仕者祿俸僚人各給半正四品錢粟  
四十五貫石麴米麥各十二稱石羅綾各八匹絹各四十匹  
縣百五十兩外官錢粟四十五貫石副統軍錢粟五十貫石  
絹各二十二匹縣八十兩餘同下麴米麥各八稱石絹各二  
二十匹縣七十兩許帶酒三十瓶鹽三石從四品錢粟四十  
貫石麴米麥各十稱石羅綾各六匹絹各三十四匹縣百三十  
兩外官錢粟四十貫石麴米麥各十稱石絹各十八匹縣六  
十兩猛安錢粟四十八貫石餘皆無烏魯古使同大定二十

年省臣議各路運司儲積多寡不同宜令依舊支請牛頭稅粟如遇凶年盡貸與民其俸則於錢多路府支放錢少則支銀絹從之正五品錢粟三十五貫石麴米麥各八稱石羅綾各五匹絹各二十五匹縣一百兩外官刺史知軍鹽使錢粟三十五貫石麴米麥各六稱石絹各十七匹縣五十五兩餘官錢粟三十貫石麴米麥同上絹各十六匹縣五十兩從五品錢粟三十貫石麴米麥六稱石羅綾各五匹絹各二十四匹縣八十兩外官錢粟二十五貫石麴米麥各四稱石絹各十匹縣四十兩謀克錢粟二十貫石餘皆無正六品錢粟二十五貫石麥五石絹各十七匹縣七十兩外官與從六品皆錢粟二十貫石麴米麥三稱石絹各八匹縣各三十兩從六品

二十二貫石麥五石絹各十五匹縣六十兩烏魯古副  
使同正七品錢粟二十二貫石麥四石衣絹各十二匹縣五  
十五兩外官諸同知州軍都轉運判諸府推官諸節度判諸  
觀察判諸京縣令諸劇縣令提舉南京京城規措河渠官諸  
都巡檢諸酒麴鹽稅副諸正將錢粟十八貫石麴米麥各二  
稱石絹各七匹縣二十五兩諸司屬令諸府軍都指揮俸同  
上潼關使錢粟十八貫石麴米麥各一稱石絹各六匹縣三  
十兩從七品錢粟十七貫石麥四石絹各十一匹縣五十兩  
諸鎮軍都指揮使錢粟十八貫石麴米麥各二稱石絹各七  
匹縣二十五兩諸招討司勘事官諸縣令諸警巡副京兆府  
竹監管勾五品鹽使司判諸部禿里同提舉上京皇城司同

提舉南京京城所黃河都巡河官諸河稅榷場使錢粟各十七貫石麴米麥各二稱石絹各七匹縣二十五兩會安關使諸知鎮城堡寨錢粟十五貫石麴米麥各一稱石衣絹各六匹縣二十兩正八品朝官錢粟十五貫石麥三石衣絹各八匹縣四十五兩外官市令諸錄事諸防禦判赤縣令諸劇縣令崇福埽都巡河官諸酒稅使醋使榷場副諸都巡檢錢粟十五貫石麴米麥各一稱石衣絹各六匹縣二十兩烏魯古判官俸同上按察司知事大興府知事招討司知事諸副都巡檢使錢粟十三貫石麴米麥各一稱石衣絹各六匹縣二十兩諸司屬丞俸同上諸節鎮以上司獄諸副將錢粟十三貫石衣絹各三匹縣十兩南京京城所管勾京府諸司使管

河橋諸關渡讖察官同樂園管勾南京皇城使通州倉使  
錢粟十二貫石衣絹各三匹縣十兩節鎮諸司使中運司柴  
炭場使錢粟十貫石衣絹各二匹縣八兩從八品朝官錢粟  
十三貫石麥三石衣絹各七匹縣四十兩外官南京交鈔庫  
使諸統軍按察司知法錢粟十三貫石麥三石衣絹各七匹  
縣四十兩諸州軍判官諸京縣丞諸次劇縣丞諸三品鹽司  
判官漕運司管勾永豐廣備庫副使左右別貯院木場使錢  
粟十三貫石麴米麥各一稱石衣絹各六匹縣二十兩諸磨  
忽諸移里董錢粟十二貫石麥二石衣絹各五匹縣十五兩  
正九品朝官錢粟十二貫石麥二石衣絹各六匹縣三十五  
兩外官南京交鈔庫副錢粟十二貫石麥二石衣絹各六匹

縣三十五兩諸警巡判官錢粟十三貫石麴米麥各一稱石  
衣絹六匹縣十兩諸縣丞諸酒稅副使錢粟十二貫石麥一  
石五斗衣絹各五匹縣十七兩市丞諸司候諸主簿諸錄判  
諸縣尉散巡河官黃河埽物料場官錢粟十二貫石麥一石  
衣絹各三匹縣十兩管勾泗州排岸兼巡檢副都巡檢諸巡  
檢俸例同上並無麥諸鹽場管勾左右別貯院木場副永豐  
廣備庫判錢粟十二貫石衣絹各三匹縣十兩諸都將隊將  
錢粟十二貫石麥一石衣絹各三匹縣十兩店宅務管勾錢  
粟十二貫石絹縣同上京府諸司副南京皇城副通州倉副  
同管勾河橋諸副議察錢粟十一貫石衣絹各二匹縣八兩  
諸州軍司獄錢粟十一貫石衣絹各二匹縣八兩節鎮諸司

副中運司柴炭場副錢粟十二貫石衣絹各二匹縣八兩從  
九品朝官錢粟十貫石麥二石衣絹各五匹縣三十兩外官  
錢粟十二貫石麥一石衣絹各三匹縣十兩三品以上官司  
知法錢粟十貫石麥一石衣絹各三匹縣十兩司候判官錢  
粟十貫石衣絹各二匹縣八兩諸防次軍轄俸同上諸權場  
同管勾左右別貯院木場判錢粟十貫石衣絹各三匹縣六  
兩諸京作院都監通州倉判五品以上官司知法錢粟九貫  
石衣絹各二匹縣六兩諸府作院都監諸埽物料場都監錢  
粟八貫石衣絹各一匹縣六兩諸節鎮作院都監諸司都監  
錢粟八貫石衣絹各二匹諸司同監錢粟七貫石絹同上陝  
西東德州世襲藩巡檢分例月支錢粟十貫石衣絹各二匹



縣十兩陝西西京原州世襲藩巡檢月支錢粟二貫三百九文米四石五斗絹三匹河東北路葭州等處世襲藩巡檢月支錢粟十貫石絹二匹縣十兩太后太妃宮每歲各給錢二千萬絲二百段絹千匹縣五千兩諸妃歲給錢千萬絲百段絹三百匹縣三千兩嬪以下錢五百萬絲五十段絹二百匹縣二千兩凡內職正一品歲錢八千貫幣百段絹五百匹縣五千兩正二品歲錢六千貫幣八十段絹三百匹縣四千兩正三品歲錢五千貫幣六十段絹二百匹縣三千兩正四品歲錢四千貫幣四十段絹百五十匹縣二千兩正五品錢二千貫幣二十段絹百匹縣千兩尚宮左右夫人至宮正大夫錢千五百貫幣十九段絹九十匹縣九百兩寶華夫人以下

送資明夫人錢千貫幣十八段絹八十匹縣八百兩有大小  
小承御大小正六品錢五百貫幣十六段絹五十匹縣二百  
近侍俸各異兩正七品錢四百貫幣十四段絹十四匹縣百五十兩正八  
品錢三百貫幣十二段絹三十匹縣百兩正九品錢二百五  
十貫幣十段絹二十六匹縣百兩諸職官上任不過初二日  
罷任過初五日者給當月俸或受差及因公幹未能之官者  
計程外聽給到任祿若後官已到前官差出其祿兩支麴隨  
直折價親王授任者祿從多朝官兼外者同六十以上及未  
六十而病致仕者給祿半承應及軍功初出職未歷致仕雖  
未六十者亦給半祿內外吏員及諸局分承應人病告至百  
日則停給除程給假者俸祿半給衣絹全給

元百官俸例各品分上中下三等至元六年分上中下縣爲三等從一品六

定五五兩正二品四五兩定四五兩從二品四五兩定三五兩定二五兩

三五兩定三五兩正三品三五兩定三五兩從三品三五兩定二五兩

定三五兩二五兩定二五兩正四品二五兩定二五兩二五兩定二五兩從四品

二五兩定一五兩正五品一五兩定一五兩一五兩定一五兩從五

品一五兩定一五兩正六品一五兩定一五兩一五兩定一五兩從六品

一五兩定一五兩正七品一五兩定一五兩一五兩定一五兩從七品一五兩

定正八品一五兩從八品五兩正九品五兩從九品五兩

九品五兩太師太傅太保俸百四十貫米十五石諮議參軍

俸四十五貫米四石五斗長史俸三十四貫六錢六分米三

石監修國史參軍長史同左右丞相俸百四十貫米十五石

平章政事俸百二十八貫六錢六分六釐米十二石右丞俸  
減十貫米同左丞同參知政事俸九十五貫三錢三分三釐  
米九石五斗參議俸五十九貫米六石郎中俸四十二貫米  
四石五斗員外郎俸三十四貫六錢六分六釐米三石都事  
俸減六貫米同承發管勾俸二十五貫三錢三分三釐米二  
石照磨省架閣庫管勾回回架閣庫管勾並同檢校官俸二  
十八貫米三石五斗斷事官俸各八十二貫六錢六分六釐  
米八石五斗十四員俸各五十九貫三錢三分三釐米六石  
一員俸四十貫六錢六分六釐米五石五斗經歷俸二十三貫六錢六分六釐米二  
石五斗知事俸減一貫米同客省使俸三十九貫三錢三分  
三釐米三石五斗副使俸二十八貫米三石直省舍人俸三

十四貫六錢六分六釐米三石六部尙書俸七十八貫米八石侍郎俸五十三貫三錢三分三釐米五石郎中俸三十四貫六錢六分六釐米三石員外郎俸減六貫米同主事俸二十六貫六錢六分六釐米二石五斗戶部司計俸米同員外郎工部司程俸十八貫米二石五斗刑部獄丞俸十一貫米二石司籍提領俸十二貫六錢六分六釐米一石同提領俸減一貫米五斗樞密院知院俸百二十九貫三錢三分三釐米十三石五斗同知俸百六貫米十一石副樞密俸九十五貫三錢三分三釐米九石五斗僉院俸減五貫米同同僉俸五十九貫三錢三分三釐米六石院判俸四十二貫米四石五斗參議俸三十九貫三錢三分三釐米三石五斗經歷俸

三十四貫六錢六分六釐米三石都事俸減六貫米同照磨  
俸二十二貫米同管勾同斷事官俸五十九貫三錢三分三  
釐米六石經歷俸二十五貫三錢三分三釐米二石知事俸  
減五貫米一石五斗客省使俸三十一貫三錢三分三釐米  
三石副使俸二十二貫米二石右衛都指揮使俸七十貫米  
七石五斗副都指揮使俸五十九貫三錢三分三釐米六石  
僉事俸四十八貫六錢六分六釐米四石五斗經歷俸二十  
五貫三錢三分三釐米二石知事俸減五貫米一石五斗照  
磨俸又減二貫米同鎮撫俸米同知事行軍官千戶俸二十  
五貫三錢三分三釐米二石副千戶俸減五貫米一石五斗  
百戶俸十七貫三錢三分三釐米同彈壓俸十二貫六錢六

分六釐米一石知事俸減一貫米同弩軍官千戶俸二十貫  
六錢六分六釐米一石五斗百戶俸減八貫米一石彈壓俸  
同百戶米五斗都目俸十貫米同屯田千戶所同弩軍官例  
左衛前衛後衛中衛武衛左阿蘇衛右阿蘇衛左都威衛右  
都威衛左欽察衛右欽察衛左衛率府宗仁衛西域司唐古  
司桂齊司並同右衛例忠靖侍衛都指揮使俸百貫副使俸  
八十三貫三錢三分三釐僉事俸六十六貫六錢六分六釐  
經歷俸三十三貫三錢三分三釐知事俸二十六貫六錢六  
分六釐照磨俸減二貫行軍官千戶俸同經歷副千戶俸同  
知事百戶俸二十三貫三錢三分三釐彈壓俸十六貫六錢  
六分六釐知事俸減一貫弩軍官千戶俸同副千戶百戶俸

十六貫六錢六分六釐彈壓俸十三貫三錢三分三釐右手

屯田千戶所千戶俸同副千戶百戶俸同弩軍百戶左手屯

田千戶所同隆鎮衛右翊蒙古侍衛並同忠翊侍衛例

諸臺監院

司等官俸自一百十八貫至四十八貫米自

十二石至四石皆以品級高下爲差不具錄大都路達嚕噶

齊俸百三十貫總管同副達嚕噶齊減十貫同知八十貫治

中同判官五十五貫推官五十貫經歷四十貫知事三十貫

提控案牘二十五貫照磨同並中統鈔行省左丞相俸二百

貫平章政事百六十六貫右丞左丞同參知政事百三十三

貫郎中四十六貫員外郎三十貫都事減四貫檢校同管勾

又減三貫理問俸四十六貫副理問三十貫知事十六貫提

控案牘同中統二年定隨路州縣官俸

上路達嚕噶齊俸八十貫總管同同知四



十貫治中三十貫判官二十貫推官一十九貫經歷一十七  
 貫知事一十二貫提控案牘一十貫下路達嚕噶齊俸七十  
 貫總管同同知三十五貫判官二十貫推官一十九貫經歷  
 知事提控案牘俸同上路散府達嚕噶齊俸六十貫知府同  
 同知三十貫判官一十八貫推官同知事一十二貫提控案  
 牘一十貫上州達嚕噶齊俸五十貫州尹同同知二十五貫  
 判官一十八貫知事一十二貫提控案牘一十貫中州達嚕  
 噶齊俸四十貫知州同同知二十貫判官一十五貫提控案  
 牘一十貫都日入貫下州達嚕噶齊俸三十貫知州同同知  
 一十八貫判官一十三貫吏目四十貫上縣達嚕噶齊二十  
 貫中縣十八貫下縣十七貫各縣戶同上縣丞十五貫主簿  
 十三貫尉十二貫典史三十五貫巡檢十貫中下縣無丞及  
 巡檢餘 又定提刑按察司官吏自經歷以下 廉訪使中統鈔  
 並同 十五貫僉事三十貫經歷二十七貫 七年定轉運司依民官例於  
 貫知事十五貫照磨十二貫 差發內支給 腹裏運使百二十貫同知五十貫副使三十五  
 十三貫行省運使八十貫同知五十貫運副四十貫判官  
 三十貫經歷二十五貫知事十七貫提控案牘十五貫 成  
 宗大德三年詔益小吏俸米六石又定各處行省宣慰司致

用院宣撫司茶鹽運司鐵冶都提舉司淘金總管府銀場提

舉司等官循行俸例腹裏宣慰使俸中統鈔五百八十貫同知五百貫副使四百十六貫經歷四百

貫都事百八十三貫照磨百五十貫行省宣慰使至元鈔八十七貫同知四十九貫副使四十二貫經歷二十八貫都事

三十四貫照磨十七貫七年加給內外官吏俸米凡俸十兩以下人員

依小吏例每十兩給米一斗十兩以上至二十五兩每員給

米一石餘上之數每俸一兩給米一升無米則驗其時直給

價雖貴每石不過二十兩上都大同隆興甘肅等處素非產

米之地每石權給中統鈔二十五兩俸三定以上者不給至

大二年詔隨朝官員及軍官等俸改給至元鈔而罷其俸米

延祐七年命隨朝官吏俸以十分爲率給米三分凡諸官員

上任者不過初二日罷任者過初五日給當月俸各路官擅

割官吏俸者罪之諸職官病假百日及因病求醫親老告侍者不給祿後官已至前官被差其俸兩給隨朝官月給俸如告假事故當官立限者全給違限託故者追罰軍官差出者許借俸歿王事者借俸免徵各投下保充路府州縣等官俸與王官等外官無職田者量給粟麥凡交代官芒種以前去任租歸後官以後去任前官分收後以爭競者多俾各驗其俸月爲多寡

明制親王萬石郡王二千石鎮國將軍千石輔國將軍奉國將軍鎮國中尉以二百石遞減輔國中尉奉國中尉以百石遞減公主及駙馬二千石郡王及儀賓八百石縣主郡君及儀賓以二百石遞減縣君鄉君及儀賓以百石遞減皇太子

次嫡子及庶子既封郡王出閣然後歲賜與親王子已封郡王者同女及嫁然後歲賜與親王女已嫁者同郡王嫡長子襲封郡王者半始封仁宗卽位增給諸王歲祿時鄭越襄荊淮滕梁七王未之藩令暫給米歲三千石自後親王受封未之藩視此例正統十二年定王府祿米將軍自賜名受封日爲始縣主儀賓自出閣成婚日爲始宗室有罪曰庶人英宗時頗給以糧嘉靖四十四年定例郡王將軍七折鈔中尉六分折鈔郡縣主鄉君及儀賓八分折鈔他冒濫多所裁減諸王亦奏辭歲祿少者五百石多至二千石歲出稍紆而將軍以下不能以自存矣初勦賊皆賜官田以代常祿後令還田給之本色公五千石至二千五百石侯千五百石至千石

六典通考

卷二十八

三

伯千石至七百石內外文武官歲給祿米俸鈔之制正從一二三四品自千石以百石遞減皆給俸鈔三百貫正五品二百二十石從減五十石鈔皆百五十貫正六品百二十石從減十石鈔皆九十貫正從七品視從六品遞減十石錢皆六十貫正八品七十五石從減五石鈔皆四十五貫正從九品視從八品遞減五石鈔皆三十貫吏員月俸一二品官司提控都吏二石五斗掾史令史二石二斗知印承差典吏半之五品官司司吏一石二斗典吏八斗六品以下司吏一石光祿司等典吏六斗州學正月米二石五斗縣敎諭府州縣訓導月米二石凡內外官司提控案牘州吏目縣典史皆月米三石副使月米二石五斗河泊所官月米二石閘壩官月米一

石五斗天下學校師生廩膳米人日一升魚肉鹽醢之屬官給之宦官月米一石百官月糧正一品米八十七石從一至正三品遞減十三石至三十五石從三品二十六石正四品二十四石從四品二十一石正五品十六石從五品十四石正六品十石從六品八石正七品至從九品遞減五斗至五石洪武時官俸全給米間以錢鈔兼給之錢一千鈔一貫抵米一石數足相準也成祖卽位令公侯伯皆全支米文武官俸米鈔兼支官高者支米十之四五卑者支米十之七八惟九品雜職吏典知印總小旗軍並全支米其折鈔者米一石給鈔十貫永樂二年命公侯伯視文武官例米鈔兼支仁宗立官俸折鈔每石至二十五貫宣德八年禮部尙書胡濙掌

戶部請每石減十貫而以十分爲率七折與官絹絹一匹抵鈔二百貫正統中五品以上米二鈔八六品以下米三鈔七是時鈔價日賤每石十五貫者已漸增至二十五貫而戶部尙書王佐復奏減之爲十五貫焉正統六年巡按山東監察御史曹泰奏臣聞之舊日凡厥正人既富方穀今在外諸司文臣去家遠任妻子隨行祿厚者月給米不過三石薄者一石二石又多折鈔九載之間仰事俯育之資道路往來之費親故問遺之需滿罷間居之用其祿不贍則不免失其所守而陷於罪者多矣乞教廷臣會議量爲增益俾足養廉如是而仍有貪污德之無蒞事下行在戶部格以定制不行成化二年從戶部尙書馬昂請又省五貫舊例兩京文武官折色俸銀上半年給鈔下半年給蘇木胡椒七年從戶部尙書楊鼎請以甲字庫所積之布估而給之布一匹當鈔二百貫時鈔法不行一貫僅直錢二三文米一石折鈔十貫僅直二三十錢而

布直僅二三百錢布一匹折米二十石則米一石僅直十四五錢自古官俸之薄未有如此者十六年又令以三梭布折米每匹抵三十石其後麤闊縣布亦抵三十石梭布極細者猶直銀三兩麤布僅直三四錢而已久之定布一匹折銀三錢於是官員俸給曰本色曰折色凡二其本色曰月米曰折絹米曰折銀米凡三月米不問官大小每月一石折絹絹一匹當銀六錢折銀銀六錢五分當米一石其折色曰本色鈔曰絹布折鈔凡二初米一石折鈔十貫後增至二十貫以爲常此本色鈔也宣德六年始以承運庫生絹折在京文武官本色俸每匹折米二石及正統七年始以甲字庫布折俸此絹布折鈔也公侯之祿本折或中半或有差文武官俸正一



品者本色僅十之三由是以爲差至從九品本色乃十七餘  
可推而知也日知錄國初民間所納官糧皆米麥也或折以鈔布百官所授俸亦米也或折以鈔其後鈔不行而代以銀於是糧之重者愈重崇禎中糧一石至折銀二兩而俸之輕者愈輕其弊在於以鈔折米以布折鈔以銀折布而世莫究其源流也武職府衛官惟本色米折銀例每石二錢五分  
與文臣異其三大營副參遊佐官每員月支米五石巡捕營  
提督參將等亦如之京營選鋒把總官月支米三石巡捕中  
軍把總官月支口糧九斗旗牌官半之凡因事別給者不在  
常祿之數

潘耒曰先師有言忠信重祿所以勸士無養廉之具而責  
人之廉萬萬不能漢制官最卑者食祿百石名爲百石而  
月俸十六石實歲百八十餘石也唐宋自俸田外又有職

田春冬衣仗身大役等以優其力而縣令圭租有至九百斛者夫既厚祿之而猶貪污不法置之重典夫復何辭當今制祿視前代已薄兵興以來又加裁省官於京師者與從衣裘常苦不給頃奉朝廷特恩四品以下官秋冬二季準給全俸仰見體羣臣之厚意更願沛發德音斟酌古今增其祿餼臣下見優卹如此其厚無不人人感奮豈非興廉教忠之一道哉

論曰成周錫祿之典自子輿氏已不得聞其詳更秦暴虐經籍燬燼而古法亡滅無遺矣漢書載王莽之世吏不得祿各因官職爲奸受取賕賂以自共給愚以爲非獨莽時然也後漢之順桓季唐之僖昭皆因軍興國用

空虛裁損百官之俸然而于事無濟適以速其亡而已矣拓跋魏初起祿亦不設其後孝文行之未久遂議減薄彼夷虜之事耳固君子所不屑道至於明之折鈔行而百官宗室衣廩不給苞苴爭營政俗浸壞其事始于宣德極于正統而作俑者掌戶部胡濙也方是時少師蹇義力言其不可以爲仁宗在春宮久深閔折俸之薄故卽位特增數倍此仁政也何可違之濙不聽卒白于帝而行之延至英宗鈔價愈賤官俸愈薄未久遂有蒙塵之變明之不爲東晉南宋者特一間耳嗟夫戶邑之封不充變而爲名號之爵錢粟之賜無餘減而行折支之法是皆亡國亂政苟且旦夕以濟其私而世之工言

心計者往往持是爲救乏之術經曰與亂同道罔不亡  
穆王之書曰爵重祿輕羣臣比而戾民畢程氏以亡其  
是之謂乎夫爲國者有百年之計有十年之計有不終  
日之計奪臣下斗升之祿以饒軍國無窮之用是猶人  
之形軀未敝而元氣先盡雖欲久存必不可得矣